

QVÆSTIO MEDICA
QVOD LIBET ARIIS DISPUTATIONIBVS MANE DISCVTIENDA
IN SCHOLIS MEDICORVM, DIE IOVIS XVI. FEBRVARII,
M. FRANCISCO PAIOT Doctore Medico, Præside.

Est-ne scirrhus hepatis sanabilis?

879

HEPAR fecundum morbis viscus, simplici rarò vexatur intemperie: quæ si calida sit, cibi fastidio, sitique vehementi, si frigida, contrarijs signis innotescit. Vbi hepatis calor immodicus, tum & chyli, & sanguinis substantia inardescens, in bilem, igneum, & torridum humorem degenerat: sin verò segnescit, & inertis frigore hebetatur, tum quidquid ab eo profluit, crassus est, lentus, ac contumacis succi. Pari fortunâ siccescens, densam; supra naturam humescens, tenuem, & aquosam materiem fundit. Atque ut redeunt omnia in centrum, & originem, si copiâ sanguinis, aut æstu premuntur venæ, refluxuorum hepar inflammatur. Ardorem hunc nec tactus facillè coniecit, nec vniuersa visceris substantia sentit. Imâ laborante, superior nonnunquam sospes. Affectum producit febris ardens, dextri hypochondrij grauitas, dolor, licet non semper iugulo tenus, arida, & exigua tussis, difficilis respiratio, lingua in primis rubens, dein nigra, sinceræ vomitus bilis, aluus pigra, demum infausta morborum parens obstructio, à qua, si diu hæreat, scirrhus.

SCIRRHVS hepatis (cui insuctum oedema) tumor est præter naturam durus (exquisitus doloris expers) quem tactu, si in hydropem nondum euaserit, deprehendes. Ex jecoris situ, aut figurâ indicium est. Tum dexter ægro facilis decubitus, grauis sinister, foedus color vultum deformat, vrina tenuis, pedum tumor, corporis macies. Scirrhi ortum adiuuant venarum occlusæ scaturigines, ac coherentes meatus: sanguinis crassior substantia fonti instagnans siccescit, & immoderato hepatis calore induratur. Malè curata phlegmone, morbi nonnunquam huius causa, rarior hæc tamen, frequentior obstructio, & jecoris ad fluentium ab eo venarum interdicta consensio. Humor enim è cuius varietate, varii quoque scirrhi nascuntur, suapte naturâ in reliquum corpus emergens, vbi obstacula inuenit, in jecoris substantiam refluit, & copiâ facit pauperiem.

MALVM hoc difficile quidem, tractabile tamen, nec vnico medicamine profligatur. Faceant qui malè de Medicina sentientes deploratum putant quidquid sennæ, & scapello reluctatur, nec malorum Medicorum more insanabiles morbos credimus, quos ista non sanant. Quod vni prodest, cæteris vtile arbitrari, insania est. Ut non vna corporis, humorum, & morborum, ita non vna medicinæ ratio. Quod huic remedium, alteri exitium est. Qui vtramque in hac curandi methodo anchoram tantummodò ponunt, hi quibusdam salutem, pluribus perniciem creant. Frigidæ egritudines, sanguinis missione inualefcunt, non expugnantur. Non diuturnos affectus, non hydropem, non hepatis scirrhum, tali artificio sanaueris,

TENVEM victus rationem præscribat, qui hepatis scirrhum curare cupit. Easit ex pane triticeo, fermento, sale & clibano ritè parato. Similaginem omittat. Porus sit ptisana mellita, vinum pallidum, pellucidum subflauum, non dulce. Auibz vescatur æger, putà perdicibus, turdis, passeribus. Animalium sanguinem vitet. Impactum, & infixum humorem sennâ, epithymo, polypodio, ellebôro, prasij succo, agarico, absinthio, nardo celticâ per *Chrysanthemum* eliminet: ipsius contumaciam frangat capparis, crucæ, apij, petroselinii, & fructuum therebinthi decocto: induratum hepatis regionem, sabino oleo, althææ, cucumeris syluestris radice incoctâ, irriget. Molliat ceruinæ medullâ, Seui leonis, Ammoniaci thymiamatis aceto liquati, bdellij, styracis cataplasmate. Ex lapide pyrite igni candente assurgens aceti vapor, affectâ parte excipiat.

CVM hepatis robur scirrhu nondum est solutum, non visceris substantia libata, virêscque non extinctæ, sanguinis generatio, quæ hepatis proprium est opus, adhuc in integro: talis verò efficientiæ præsidia nobis præsto sunt, quæ humoris scirrhum patientis pericaciam vincant, crassitiem incidant, incisum humorem foras pellant, induratum molliant tumorem, mollium dissoluant: tunc certè de eius eradicatione benè ominandum, quam feliciter adimplebimus, si conuenienti adhibito moderamine, diureticis vicissim vtamur.

Est ergo scirrhus hepatis sanabilis.



Proponebat Lutetiæ CAROLVS LE BRETON, Parisiensis. A. R. S. H. M. DC. XL.

DOMINI DOCTORES DISPUTAVRI.

M. Petrus Guenault,
M. Nicolaus Brayer.
M. Cyprianus Hubault.

M. Guido Patin.
M. Iacobus Theuart.
M. Urbanus Bodineau, Regis Medicus.

M. Ioannes Texier.
M. Robertus Tullioie.
M. Dionysius le Soubs.

LatBo